

amen ko baro kher?

Izpwninela li o vtoro basi. O dat phenla leske kiya:

– Shun akana o tretto basi savo si? Mangava – phenla – ekh paytoni zlatno. Katar o purano saray te zhal zhi amende bi grasteskoro, bi manusheskoro! Togava veche – phenla – kray!

Odova zhala pash ki zhamba. Phenla:

– E, ame zhenno, izpwnindyam o pwrvo basi, ikalde amen katar o kokosharnikos. Chhite amen ko purano saray. Ami, akana?

Ma ha ti holi, be! Ha to maro, pi to pani. Tasya andivin sichko si gotovo!

Ovda hala peske, pashyola peske. Spokoyno si o rom. I zhamba ushtela, zhala pala pash pe pheyande. Thay dena pale ekh paytoni. Sichko si gotovo. Thay phenla leske:

– Ayde ushti akana! Ake to basi si gotovo!

O paytoni zhala, avela zhi leske dadeste. Pala avela zhi leste, zhi leske dadeste. O trin base izpwnisayle. Ama o dat pala na mangel les kay isi les zhamba. Ovda phendyas:

– E, sar ikya? Izpwnindyam tuke e trin basya thay pala na manges amen!

Ov ushtela, zhala pash i zhamba. I zhamba phendyas:

– Ma ha holya! Na dikhes li, – phenla – zhi te phrala avri ka oven! Lenge menya na chhinel, ame – phenla na achhyovas!

Thay veche achhyona ki purani saraya. Lengo dat pala nakamela len. Odoa royndos, royndos, gelo pala pash ki zhamba.

Zhala o chho akana, izpwninela o trin zadaches. Zhala pash pe dadeste. Lesko dat phenla, chi isi azheekh zadacha. Ov pala na priiminelen, sar ule. So ka keren peske akana?

Pala zhala ki zhamba. Thay veche posledno... i chhay chhivela pi morti. Prieminela le veche. Thay mwzh i zhena stanali. Osvetinela kava saray. Thabola andre. O thagar dikhlyas. Phendyas:

– Brey! Zhan dikhen odova te na thardyas o saraya!

Kana zhana, dikhna i rakli. Sichko osvetindyas i chhay. Thay togava zhana. Phukavde o thagaraske.

– Ey, thagara! Na tharde i saraya, ami andre svetinela ekh chhay sar lamba!

Togava bichhalela manushen. Strazhe uhtaena, ingelena len othe, pash lende. Oy pala chhivela pes andi mortyate. Vikinena pe dades sa e trin chhave. Dena les zori akana. I zhala, gelela pe zhamba othe, pesa.

– Phukav! So sine?